

唐陸宣公翰苑集

唐陸宣公制誥卷之七

李晟司徒兼中書令制

雲雷構屯，寓縣興難。非山岳降神，不生良弼。非股
叶契不集，大勲故高。宗得傳說，中興殷邦。宣王任
甫重光，周道天寶之季，寇陷二京，時則先臣子
戴肅宗，戡定禍亂，再造區夏。于今賴之，肆予小
績，不構不克，負荷失守。宗祧天祚，我唐降生，中
社稷之臣曰開府儀同三司檢校尚書左僕
門下平章事充神策軍節度鄜坊等州管内
置等使京畿渭南渭北商華等州兵馬副元

國合川郡王李晟沉肅有勇堅明能斷聞難威
軍徂征誠激于衷義形于色自河之右萬里
然雷奔大盜懾服屬皇家不造戎師誘姦重
郊甸震蕩而晟蓄銳養士深壘固軍以謀吞元
義糾羣帥躬擐甲胄率先啓行布忠信為軍聲
烈為戰器廓清氛沴寧復皇都宗廟載安宇宙
佐予興運時乃茂功德厚者任崇業盛者報重升
元輔建于上公熙庶績而翼宣九歌撫兆人而敬勢
五教用疇井賦貽厥子孫與國咸休永播丕烈可司
徒兼中書令仍賜食封一千戶餘並如故俟還京後

所司擇日備禮冊拜宣示中外以彰元勲

蕭復劉從一姜公輔平章事制

宰輔之任獻替爲務內凝庶績外撫四夷調陰陽以
成歲功贊化育而熙帝載若金用礪其錫予違如旱
爲霖允從人望矧時屬多難彌切任賢朕未嘗不朝
夕論思夢寐懷想道之所在在人遠乎哉朝議大夫
戶部尚書兼御史大夫充荆襄江西等道都元帥公
軍長史豐縣開國公賜紫金魚袋蕭復性質端亮而
識精敏約已弘物體方用圓爲邦必表其理能
亟聞於鯁議動可成範立不易方守尚書吏部

兼御史中丞充荆襄江西等道都元帥判官賜緋
袋劉從一貞白其行溫恭其文居簡而適用必通
和而臨事有立持重能斷端慤有恒累更委任多
弘益守京兆府戶曹參軍翰林學士賜緋魚袋姜公
輔志懷濟物監必通理主文而諫忠靡退言經始以
謀事皆前定道無屈撓智適變通並可以參贊大猷
光膺僉屬兵戎未靖期爾經綸都邑未康期爾還定
予一人有過爾是用匡伊萬姓不寧爾是用又欽哉
慎乃有位罔廢厥官復可守吏部尚書同中書門下
平章事散官封賜如故從一可守尚書刑部侍郎同

中書門下平章事賜紫金魚袋公輔可守諫議大夫
同中書門下平章事賜紫金魚袋

張延賞中書侍郎平章事制

兩漢致理由乎審官多以牧宰高第入居台輔黃霸
自潁川而次遷丞相卓茂由密令而超拜三公蓋以
爲國本於親人舉賢先於稱職旌能勸善風化大端
今革車荐興賦煩人散匡弼寡昧屬于才臣光祿大
夫檢校吏部尚書兼成都尹御史大夫充劍南西川
副大使管內度支營田觀察使處置等使上柱國
國公張延賞崇飭文行勵精理道踐歷中外所至

聲慮必周密心無屈撓簡廉以肅吏慈惠以愛人以
以災姦和以定衆去若始至久而見思秉志不渝
績常最以爾循良之化佐予綏甦人以爾經綸之才
佐予熙庶績仍資威重兼領蕃維式慰甘棠之思且
繼緇衣之美懋昭邦典勿替家聲可中書侍郎平章
事依前兼成都尹餘如故

渾瑊侍中制

論道經邦興戎定亂執是二柄毗予一人得諸全才
康濟大難懋官胙土備舉彝章開府儀同三司檢校
尚書左僕射同中書門下平章事兼靈州大都督府

長吏充靈鹽銀夏等節度管內觀察處置度支營田
押蕃落等使仍充朔方邠寧振武等道奉天永軍行
營節度副元帥柱國樓煩郡王渾瑊神降才傑天資
忠厚叶予興運爲國輔臣往以盜起上京駕言出狩
羣兇怙亂再犯郊畿時乃奮揚武威董制師律深居
籌畫新慝寢謀當敵指揮士旅增氣危城克固我伐
用張重以賊臣蔑恩養寇資亂再罹艱阻播越巴梁
時乃并轡載馳執羈從邁有見危致命之節有憂國
滅私之誠凜然貞規介若金石縱橫有夷難之略威
激陳復國之謀分總偏師徑出重險秉大節以誓羣

帥布寬令以宥脅從師次近郊推兇靡抗軍臨近甸
下邑如歸推成功以不居期盡敵以自效率其全衆
揚旆前追雄威疾馳元惡授首柔德懷服餘黨歸心
掃闢氛昏安復園疑懋乃嘉績其維格天苑變之讓
能耿兇之殄寇總是二美城其有焉足以垂勲旂常
垂美竹帛宜首台階之列仍疇井邑之賦祇膺時命
無替厥庸可侍中仍賜實封八百戶餘如故

盧翰劉從一門下中書侍郎平章事制

寅亮天工弘宣理本俾予從乂時乃輔臣扈蹕載驅
以勞定國懋官遷列式是彝章銀青光祿大夫行尚

書兵部侍郎同中書門下平章事范陽縣開國公盧
翰嚴重不撓貞方自持養恬鎮俗居簡濟衆言思無
隱事必同恒守刑部侍郎同中書門下平章事賜紫
金魚袋劉從一質厚氣深識精體遠冲用無竭貞規
不渝從容以和出納惟允自鸞車載駕薄狩于梁執
羈有從我之勤及雷勵匪躬之節交修不逮庶績其
疑俾承命於掖垣仍參掌於樞務今百度伊始六府
載張論較是非不可以不審宣揚憲令不可以不明
爾其欽承無墜我休命翰可門下侍郎同中書門下
平章事散官勲封如故從一可中書侍郎同中書門

下平章事餘如故

劉滋崔造齊映平章事制

朕嗣位君臨精求理道小大之務靡不經心日慎一日于今八載教化未洽烝黎未康因之以甲兵繼之以災沴斯固鑒有所不至慮有所不周予深浩然若涉深水思所以匡我致理助我官人宣其澤而四十以寧執其要而百工式叙允是大任其惟輔臣夢想勞懷敷求俊乂察言而觀行因事以考能周行之中乃得良弼權知吏部侍郎劉滋操履貞清介然自守居能慎獨重不違仁析理究其精微勵學探於奧旨

守給事中賜緋魚袋崔造性合道要誠通化源適時
有成務之才事上懷匪躬之節蘊蓄器業居爲名臣
中書舍人賜紫金魚袋齊映修己以立自明而誠體
賢人可大之規用君子時中之道虛受能擇清通不
流惟滋之直方可以激風俗惟造之體度可以振條
綱惟映之精深可以該物理我有大典爾其叅之懋
昭厥猷勿替休聞茲可充散騎常侍同平章事造仍
賜金魚袋其有散官封賜並如故

李納檢校右僕射平章事制

忠所貴乎竭誠善莫大於改過况茂勲有舊崇德日

新翼戴勵勤王之節經綸申盡敵之略敦獎之道時
惟國章平盧淄青節度管内度支營田處置等使開
府儀同三司檢校工部尚書使持節鄆州諸軍事兼
鄆州刺史隴西郡王李納稟性端厚執心寬簡通變
適用和順積中服勞王家夙有成績乘秋備塞克著
威聲累歲專城載揚理行間者心懷險阻誠義鬱埋
旋能歸款上聞期於率德自效忠節純固久而益彰
爰整銳師式遏亂略保障宋服填壓浚郊嶷如長城
作固東土嘉乃率服之美懋乃輸力之勤擢升衮司
載董戎翰玄成嗣台輔之業亞夫繼社稷之勲俾爾

兼榮無替厥服檢校右僕射平章事餘如故

韓滉檢校左僕射平章事制

周召由輔弼之臣兼方伯之任蓋以理化根本在於
親人通地庶之情以佐天子秉家邦之慶以臨諸侯
故能中外允釐上下無壅今我有命意其在茲金紫
光祿大夫檢校尚書左僕射兼潤州刺史御史大夫
充鎮海軍浙江東西節度觀察處置等使上柱國南
陽郡開國公韓滉文行忠信備修身之道勤儉貞固
有成務之才累更委遇多處繁重一心奉職終始不
渝內告謀猷以匡時化外持憲法以一人心理尚廉

平事皆釐飭奸盜衰息禮義興行惠茲一方時乃之
德陳師旅以遏寇讎納餽糧以修職貢張我威武實
我資儲令必應期謀無愆素濟于多難時乃之功宜
其叅務中樞翼宣大化仍兼漕運兼領蕃維樹南國
之風猷賄中都之廩實予則有望爾其懋哉繼于前
人無替厥服可檢校左僕射同平章事依前鎮海軍
浙江東西節度觀察處置等使兼充江淮轉運使餘
如故

李勉太子太師制

立國之本所繫於元良弘教之方必由於端士非精

議前典德冠當時恭敬溫文其將安倣吾是以輟台
階之老選宗室之賢輔翼春闈是資教諭檢校司徒
同平章事充太清宮使崇文館大學士上柱國沂國
公李勉忠信孝友直方簡儉達君臣父子之際知禮
樂教化之端虛澹保和貞明寡欲求舊則德懋叙親
則屬尊師範國儲無易其選可檢校司徒兼太子太
師散官封勲如故

姜公輔左庶子制

君之任臣有優賢賜告之義臣之事君有量力知止
之道故能進退以禮終始可勝此朕三事大夫濟理

圖全之意也守諫議大夫同平章事賜紫金魚袋姜公輔首舉高第擢居諫曹爰資美才叅掌密命居易勸修身之操見危著從我之勤自處台司累䟽陳乞忌滿思退持盈守謙畱中久之重難其請式光撫揖俾尹官坊可太子左庶子勲賜如故

崔造右庶子

宰相之職允釐百土時惟仰成不可廢闕中散大夫行給事中同平章事上柱國安平縣開國男賜紫金魚袋崔造頃居掖垣叅掌樞密總領繁重積勞疹深亦旣優賢賜之長告歲聿云暮有加無瘳披誠自陳